
MEMBEKALKAN NILAI BERASASKAN BUDAYA DAN TADBIR NIAGA BERHEMAH

TATAKELAKUAN RAKAN NIAGA
KUMPULAN SYARIKAT TRADEWINDS (M) BERHAD

1 PENGENALAN

- 1.1 Kumpulan syarikat Tradewinds (M) Berhad (“Kumpulan”) menghargai komitmen rakan-rakan niaga dalam menegakkan semangat kejujuran sebagai asas utama dalam setiap hubungan perniagaan kami.
- 1.2 Tatakelakuan Rakan Niaga (“Tatakelakuan ini”) menggariskan prinsip-prinsip utama yang mentadbir urus hubungan perniagaan Kumpulan. Prinsip-prinsip ini merupakan piawai minima yang perlu dipatuhi dan digunakan semasa menjalankan urusan perniagaan dengan Kumpulan.
- 1.3 Kumpulan memahami bahawa akan wujud situasi amalan perniagaan tertentu yang mungkin memerlukan penjelasan lanjut, dan dalam keadaan sedemikian, rakan-rakan niaga disarankan untuk menghubungi para pegawai yang berkenaan dalam Kumpulan, yang akan seterusnya membantu mendapatkan panduan secara dalaman.
- 1.4 Bagi memudahkan proses *Menyuarakan Kebimbangan*, Tatakelakuan ini telah menggariskan suatu rangkaian komunikasi yang selamat bagi membolehkan rakan-rakan niaga menyalurkan maklumat berhubung sebarang tindakan atau tingkah laku yang melanggar prinsip-prinsip yang termaktub dalam Tatakelakuan ini.

2 PEMANTAUAN TATAKELAKUAN

- 2.1 Tanggungjawab untuk mematuhi Tatakelakuan ini merupakan pra-syarat dalam setiap urusan perniagaan dengan Kumpulan. Rakan-rakan niaga bertanggungjawab untuk mematuhi dan menjalankan pemantauan sendiri bagi memastikan prinsip-prinsip Tatakelakuan ini dipatuhi.
- 2.2 Bagi mengelakkan timbulnya persepsi yang tidak diingini, rakan-rakan niaga juga perlu mengelak daripada sebarang amalan yang dilihat melanggar prinsip-prinsip Tatakelakuan ini.
- 2.3 Dalam situasi di mana pihak Kumpulan dikehendaki untuk melakukan semakan pematuhan atau menjalankan siasatan, rakan-rakan niaga perlu memberi kerjasama yang sepenuhnya kepada wakil-wakil yang telah diberi kuasa oleh Kumpulan.

3 ENAM PRINSIP TATAKELAKUAN

3.1 PRINSIP I *TINGKAH LAKU DAN TINDAKAN BEBAS-PENYELEWENGAN*

- 3.1.1 Rakan niaga dilarang sama sekali - sama ada secara langsung atau tidak langsung, contohnya melalui pihak ketiga yang mendakwa mewakili Kumpulan - terlibat di dalam rasuah, penyelewengan, menawarkan sogokan, peras ugut atau sebarang tindakan lain bertujuan untuk mendapatkan kelebihan secara tidak adil atau tidak wajar.
- 3.1.2 Kumpulan membenarkan pemberian dan penerimaan barangan promosi dan cenderamata yang sederhana sebagai amalan urusan niaga. Namun, amalan ini haruslah selaras dengan polisi pihak pemberi dan pihak penerima tanpa sebarang niat untuk mempengaruhi sebarang keputusan perniagaan serta hendaklah dilaksanakan secara terbuka semasa urusan perniagaan.

3.2 PRINSIP II *MENGELAKKAN KONFLIK KEPENTINGAN*

- 3.2.1 Rakan niaga harus mengelak daripada sebarang kemungkinan konflik kepentingan, dan perlu segera melaporkan dan menguruskan situasi tersebut bagi mempamerkan objektiviti dan ketidakbergantungan dalam keputusan perniagaan.

3 ENAM PRINSIP TATAKELAKUAN (sambungan)

3.3 PRINSIP III *KEUPAYAAN*

- 3.3.1 Rakan-rakan niaga seharusnya memberikan penerangan yang jujur dalam menyatakan tahap pengetahuan, kepakaran, pengalaman dan kelayakan mereka.
- 3.3.2 Kumpulan turut mengkehendaki rakan niaganya untuk mengemukakan sumber rujukan yang sah dan bebas dari pengaruh luaran berhubung rekod tugasan dan kerja yang telah dilaksanakan oleh mereka.

3.4 PRINSIP IV *KOMITMEN*

- 3.4.1 Semasa penawaran sebutharga atau penglibatan dalam tender, rakan niaga hendaklah memberikan komitmen yang teguh dalam memenuhi keperluan kontrak tersebut.
- 3.4.2 Rakan-rakan niaga Kumpulan dikehendaki untuk menunjukkan kebertanggungjawaban yang penuh dalam memenuhi komitmen mereka yang dimeterai secara bertulis atau sebaliknya.
- 3.4.3 Kumpulan menggalakkan rakan niaga untuk terus berusaha untuk menambah baik amalan urusniaga bagi mencapai kualiti perkhidmatan yang cemerlang.

3.5 PRINSIP V *PEMATUHAN*

- 3.5.1 Kumpulan mengkehendaki rakan-rakan niaganya untuk mematuhi dan bertindak selari dengan semua undang-undang dan peraturan yang berkaitan.
- 3.5.2 Rakan-rakan niaga juga perlu mengikuti perkembangan dan perubahan dalam undang-undang dan peraturan yang berkaitan bagi memastikan pematuhan berterusan.

3.6 PRINSIP VI *KOMPETITIF*

- 3.6.1 Rakan-rakan niaga tidak dibenarkan sama sekali bersubahat atau bersepakat secara sulit dengan pihak lain semasa mengemukakan sebutharga dan mengambil bahagian dalam tender.
- 3.6.2 Kumpulan mengkehendaki rakan-rakan niaga untuk menawarkan harga berpatutan yang mencerminkan nilai sebenar produk, perkhidmatan dan kerja mereka.

4 MENYUARAKAN KEBIMBANGAN

- 4.1 Sebarang kekhuatiran berhubung ketidakpatuhan prinsip-prinsip Tatakelakuan ini boleh disalurkan secara sulit menerusi e-mel ke alamat **bpcc@twinds.com.my**
- 4.2 Rakan niaga hendaklah menyuarakan kebimbangan dengan niat yang baik dan munasabah secara:
- ✓ Memperkenalkan diri; dan
 - ✓ Memberikan maklumat yang wajar serta jelas bagi menggambarkan situasi berkenaan, dan sekiranya boleh, mengemukakan bukti sokongan.
- 4.3 Kumpulan akan memastikan segala laporan dan tindakan lanjutan dirahsiakan bagi mengekalkan integriti proses berkenaan dan memelihara kerahsiaan semua pihak yang terlibat.
- 4.4 Kumpulan tidak akan bertolak ansur dengan sebarang bentuk tindakan balas atau pembalasan sebagai reaksi terhadap laporan yang sah.



Tradewinds
(M) Berhad

Ahli Kumpulan



BERNAS
PADIBERAS NASIONAL BERHAD



CSR
CENTRAL SUGARS
REFINERY SDN BHD



GPT
GULA PADANG TERAP
SDN BHD



MARDEC
BERHAD



Tradewinds
Plantation Berhad

Tradewinds (M) Berhad. Hak cipta terpelihara.

Tatakelakuan ini adalah tertakluk kepada perubahan dan akan disemak semula sekiranya perlu. Tatakelakuan ini terdapat dalam Bahasa Inggeris dan Bahasa Malaysia. Jika berlaku sebarang percanggahan di antara versi Bahasa Inggeris dan versi Bahasa Malaysia, versi Bahasa Inggeris akan diguna pakai.

Versi 1. April 2015.